

*Convenio de colaboración entre a Fundación Cidade da Cultura de Galicia e a Axencia para a Modernización Tecnolóxica de Galicia para a posta a disposición de terceiras empresas de espazo coa finalidade de facilitar a coordinación de proxectos estratéxicos da Axencia para a Modernización Tecnolóxica de Galicia.*

## MEMORIA XUSTIFICATIVA

A Directora Xerente da Fundación Cidade da Cultura de Galicia, **DECLARA:**

Que esta **Fundación Cidade da Cultura de Galicia** formalizou o 11 de novembro de 2025 coa **Axencia para a Modernización Tecnolóxica de Galicia** o instrumento convencional arriba referido por unha duración de catro anos.

Que o instrumento convencional ten por **obxecto** definir a colaboración entre a Fundación Cidade da Cultura de Galicia, e a Amtega, co fin de poñer a disposición de terceiras empresas os seguintes espazos libres situados na planta baixa do Edificio CINC, para os efectos de facilitar a coordinación de proxectos estratéxicos da Amtega:

- Local nº 105 (Andar 0 do CINC). Superficie útil: 206,95 m<sup>2</sup>
- Local nº 106 (Andar 0 do CINC). Superficie útil: 13,28 m<sup>2</sup>
- Local nº 108 (Andar 0 do CINC). Superficie útil: 7,10 m<sup>2</sup>
- Local nº 126 (Andar 0 do CINC). Superficie útil: 174,38 m<sup>2</sup>

Os locais nº 105 e nº 126 están divididos en "unidades de espazo" susceptibles de cesión independente que constarán dos seguintes elementos cada espazo:

- 1 mesa de traballo
- 1 cadeira de oficina
- 1 caixoneira móbil

Así mesmo, os ditos locais contan con;

- Cabinas de insonorización de uso compartido para as empresas que albergan os espazos (locais 105 e 126).
- Mesas de reunións (local 108)
- Sala de Xuntas (local 106).



Que o instrumento convencional que se pretende asinar **se fundamenta** no seguinte:

A **Fundación Cidade da Cultura de Galicia** é unha entidade do sector público galego, sen ánimo de lucro, declarada de interese cultural pola Orde da Consellería da Presidencia e Administración Pública do 11 de xaneiro de 2000, e cuxo obxecto, recollido no artigo seis dos seus Estatutos, é *"a creación, explotación e promoción de áreas ou centros de conservación, produción, exhibición y consumo cultural, comunicativo e tecnolóxico que constitúa un espazo multifuncional, multidisciplinar e aglutinador propicio a interacción cultural"*.

Para a consecución dos obxectivos mencionados no apartado anterior, a fundación pode realizar as seguintes actividades:

- *As necesarias para converterse nun actor clave na difusión cultural, que sirva de punto de encontro entre os cidadáns e a cultura.*
- *As que contribúan a desempeñar un papel destacado no proceso de enriquecemento/aprendizaxe cultural da cidadanía, con especial énfase na adopción e uso das novas tecnoloxías. [...]*
- *As que fomenten a interrelación e os proxectos en conxunto entre axentes de distintos ámbitos das industrias culturais e creativas, con especial énfase na cooperación interrexional e a colaboración pública e privada. [...]*
- *As que impulsen o Emprendemento empresarial no ámbito das industrias culturais e creativas, con especial énfase en proxectos que favorezan a innovación, tanto tecnolóxica como non tecnolóxica, e a súa transferencia aos sectores máis maduros do tecido produtivo, servindo como plataforma de desenvolvemento e promoción da marca país Galicia.*
- *As actividades e accións que contribúan a converter á Cidade da Cultura de Galicia nun proxecto economicamente sostible e socialmente rendible, incorporando novos socios estratéxicos, tanto públicos como privados, e diversificando as fontes de financiamento para acadar a sustentabilidade do proxecto con independencia do ciclo económico."*

A Fundación ostenta a titularidade da Cidade da Cultura de Galicia (CdC), un innovador e vangardista complexo construtivo, de singular valor arquitectónico e cultural, deseñado por Peter Eisenman, situado no Monte Gaiás en Santiago de Compostela. Propietaria do edificio Centro de Innovación Cultural e de Modernización Tecnolóxica de Galicia (CINC), no que se ubica o "Espazo Empresas", que alberga a distintos negocios e que na actualidade presta servizos sobre



proxectos estratéxicos da Axencia que requiren coordinación entre diferentes empresas ou coordinación coa Amtega.

Pola súa banda, **Axencia para a Modernización Tecnolóxica de Galicia (Axencia ou Amtega)** creouse mediante o Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, modificado polo Decreto 9/2021, do 21 de xaneiro, polo que se suprime o Centro Informático para a Xestión Tributaria, Económico-Financeira e Contable (Cixtec) e se modifica o Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos. Este decreto regula tanto as súas competencias e funcións como a súa organización e estrutura, o réxime do seu persoal, o réxime económico-financeiro e patrimonial, así como os principios que a orientarán na súa actuación.

A Amtega é unha axencia pública autonómica que ten como obxectivos básicos a "definición, o desenvolvemento e a execución dos instrumentos da política da Xunta de Galicia no eido das tecnoloxías da información e a comunicación e a innovación e o desenvolvemento tecnolóxico". Na actualidade as súas oficinas así como o CPDI se atopan aloxadas no edificio CINC da Cidade da Cultura de Galicia.

A partir das competencias e funcións da Axencia, en consonancia co establecido na Estratexia Galicia Dixital 2030, e tendo en conta o escenario actual e previsible no que a Axencia para a Modernización Tecnolóxica de Galicia desenvolverá a súa actividade nos próximos catro anos (2022-2025), establécense 7 obxectivos estratéxicos:

- Impulsar un goberno e administración intelixente
- Promover os servizos públicos dixitais
- Garantir a dispoñibilidade e seguridade dos servizos públicos dixitais
- Fomentar a adquisición de competencias dixitais
- Impulsar a economía dixital para acadar un territorio intelixente
- Favorecer o crecemento do ecosistema dixital
- Medidas instrumentais e de eficiencia

Para cumprir cos seus obxectivos, e co fin de facilitar a debida coordinación coas empresas adxudicatarias dos seus contratos de servizos, a Fundación, a instancias da Amtega, ofrece a posibilidade de que tales empresas poidan ocupar espazos a cambio dun prezo en instalacións próximas á sede da Amtega.

Neste sentido, a Fundación Cidade da Cultura de Galicia e a Amtega asinaron 22 de outubro de 2013, un primeiro convenio co fin de poñer a disposición de terceiras empresas espazos libres situados na planta baixa do Edificio CINC.

Igualmente o 12 de abril de 2019, Amtega e Fundación asinaron un segundo convenio que ampliaría estes acordos ata finais de 2021, e, novamente o 17 de decembro de 2021, se asina un novo documento conxugal para regular estes compromisos ata o 16 de decembro de 2025 e o 11 de novembro de 2025 asinaron o novo convenio .



Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela

Ana Isabel Vázquez Reboredo  
Directora Xerente  
Fundación Cidade da Cultura de Galicia

